



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 2. Guisius Dux Jonvillam secedens, ac cum Hispaniæ Rege agens.

[urn:nbn:de:hbz:466:1-67246](#)

Sæc. XVI. ubique quamplurimi spargebantur li-
A.C. 1585. belli, in quibus nil præclarum præter
 calumniæ, & seditionis studium lege-
 batur. (*)

§. II.

*Guisius Dux Jonvillam secedens, ac
 cum Hispaniæ Rege agens.*

Thuan. 1.81.

Mez. abregé

Ciron t. 3

pag. 308

Dvua 1.7

hoc ann

pag. 449.

Guisium Ducem cum minimè lateret,
 quod Regius Senatus ad fistendos
 ipsius conatus consilia cuderet, hinc
 unacum Filio suo ad Jonvillam arcem
 suam secessit, quo etiam paulopolt Car-
 dinalis Guisius illius Frater eum seque-
 batur: ut vero ambo suam factionem
 potentia, ac numero firmarent, foedus
 cum Hispaniæ Rege inire decreverunt,
 prius

(*) Haud mireris, Benevole Lector, quod
 Continuator noster Guisios Principes æterna
 memoria dignos tam indigne in sua Historia
 proscindat, ac societatem ab eis initam adeo
 sinistre interpretetur, hujus enim indignatio-
 nis unica causa est eorundem Principum
 immotus erga Religionem Catholicam Zelus,
 & asperitas in hæreticos: utrumque vero no-
 stro Continuatori displicet, quapropter negle-
 ctis Scriptoribus Catholicis omni fide dignis
 hanc Historiæ suæ partem nonnisi ex Thuano
 suo hæreticorum Patrono ,aliisque hujus fur-
 furis Auctoriibus consarcinavit.

prius tamen hujus societatis æquita- Sæcul XVI.
A.C.1585.
tem Cardinali Borbonio exponentes cum Joanne Baptista de Taxis, quem Hispaniæ Rex ad illos transmiserat, conferre cæperunt: porro huic fœderi omnes Lotharingicæ Domus Principes accedebant, priusquam tamen res ad exitum deduceretur, unaomnes palam profitebantur, quod hac unione nil aliud, nisi pro viribus Religionem Catholicam omni ex parte impugnatam tueri intenderent, cum jam sæpius, licet semper incassum id fieret, pro veræ fidei defensione apud Regem submissis admodum precibus institissent, hic autem Princeps perversis illorum, qui potius privatis suis studiis, quam Dei gloriæ, ac tranquillitati publicæ intenti sunt, suggestionibus nimium faciles aures præbere voluerit.

His declaratis conventum erat de sequentibus articulis. I. Cardinalis Borbonius tanquam proximus, & legitimus Regni hæres, si Franciæ Regem sine liberis masculis legitimis contingat decidere, annuentibus Principibus, qui fœderi subscribent, declaretur, ita, ut excludantur ab ea Successione in posterum cuncti alii Principes, qui nunc hæretici sunt, ac relapsi, adeo, ut nullus deinceps hæreticus, nec is, qui hæreticos impune,

Q 4

ac

Sæculi XVI

A.D. 1585.

ac libere in Regno tolerat, ad Successionem admittatur. II. Ne hæretici, quamdiu Rex vivit, sibi ad Regni solium viam sternant, Principes foederati copias conscribant, atque Usurpatorem propellant. III. Borbonius ad Regnum dia dema vocabitur, dum pacificationem Cameracensem anno millesimo quingen tesimo quinquagesimo nono inter Hispaniæ, & Franciæ Reges conventam ratam habeat, & denuo jurejurando eandem firmet. IV. Sola Catholica, Antiqua, & Romana Religio in Regno locum habeat omni alia tanquam per versa prohibita, cunctique a sacris Majorum alieni nullo discrimine ad inter nacionem deleantur. V. Ad tollendos Ecclesiæ abusus, & instaurandam inter Catholicos in rebus sacris emanationem Franciæ Principes de creta, ac constitutiones Concilii Tridentini in Regno promulgari, ac servari current. VI. Cardinalis Borbonius tam pro suo, quam Successorum in Regno, ac hæredum nomine foederi cum Turcis renuntiet, neque ulli alteri unquam in rei Christianæ præjudicium subscribat. VII. Excursiones per mare omnes, quæ liberam Hispanis ad Indias navigationem impediunt, eidem Regi prohibitæ sint. VIII. In bellum contra Sectarios a Catholicis Principibus suscipiendum

quam-

quamdiu illud durabit, Philippus quin- Sæcul. XVI.
A.C. 1585.
quaginta aureorum millia in singulos
mensis suppeditet, & pensio ab eo die
procedat, quo bellum incipiet. IX.
Curent Principes, ut loca, quibus per
hæc bella Philippus a Sectariis, sive
perduellibus spoliatus est, eidem re-
stituantur, ac nominatim Cameracen-
sis Urbs cum arce, & omni annona,
& apparatu bellico, qui in ea erat, cum
occupata fuit, eidem reddatur: si vero
Philippus eas ditiones armis recuperare
aggreditur, Principes ei præsto esse,
eumque milite, & annona juvare te-
neantur. X. Omni ope enitatur Rex
Franciæ, ut in possessionem locorum a
perduellibus, seu Sectariis Belgis oc-
cupatorum Hispaniæ Rex restituatur. XI.
Si Borbonius Cardinalis ad Regni Suc-
cessionem veniat, protinus ubi Regnum
inierit, ea, quæ in potestate sua erunt,
reddere teneatur. XII. Perpetuum,
& inviolatum fœdus inter Philippum,
eiusque hæredes, & Principes Catho-
licos, eorumque hæredes pro Regno
Galliæ, & Belgio subsistat, eosque ad
Religionis caussam promovendam, &
familiarum Illustrium conservationem
præter menstrua quinquaginta aureo-
rum millia milite, & pecunia, quantum
opus erit, juvare teneatur. XIII. Pa-
ctis comprehensi intelligantur præter

Q 5 prin-

Sæcul. XVI. principes memoratos insuper coronæ officiales, Proceres, ac Regni nobiles, civitates, Collegia, & universitates, & qui cunque alii Catholici, quibuscum illi foederati sunt, aut deinceps erunt. XIV. Siquis externus Princeps Catholicus in societatem foederis venire cupiet, ex utriusque partis consensu admittatur. XV. Philippus, & Principes Catholici foederati cum Rege Christianissimo, aut alio quovis Principe agere, aut pacisci quovis modo non possint, ac in foederis præjudicium nihil agant, siquid autem agi oporteat, nonnisi ex communi consensu agatur: porro foedus ad vitandas turbas, quæ a Sectariis, si illud publici juris foret, mox excitarentur, celetur, neque evulgetur, nisi ex utriusque partis consensu, ubi occasio satis propitia se offeret. XVI. Denique Rex Borbonum Cardinalem, Guisios Principes, Mercurianum, & Nivernium Duces, omnesque, qui foederi subscripturi sunt, in fidem suam recipiat, eosque adversus hæreticos, eorumque fautores defendat, idque fideliter promittat.

Hæc erat summa conditionum, quæ pactæ fuerunt cum Philippo Hispaniæ Rege, qui tamen præter eas mox expositas insuper Guisio Duci pollicitus est, se ei quotannis bis centies mille aureos

aureos daturum, quos, prout oppor- Sæcul.XVI.
A.C. 1585.
tunum pro sustinendo fœdere judicave-
rit, pro suo arbitrio expendere posset.
Postea horum pæctorum duo exempla
fuere confecta, quorum unum relinque-
batur penes Philippum Hispaniæ Re-
gem, qui illud asservet, ut Mercordius,
& Nivernius Duces tunc absentes proxi-
mo Martio istud ratum habere, siique
assensus documentum propria manu sub-
scriptum, & sigillo firmatum tradere
possent, alterum vero penes Cardina-
lem Borbonium, ceterosque memora-
tos Principes remaneat.

§. III.

Papa ad approbandum hoc fœdus sollicitatus.

Hujus fœderis pæcta haud diu secre- Davit. hist.
Bel-des Guerr.
France l. 7.
civil. de
ta tenebantur: interea vero Bel-
gicorum Ordinum Deputati, ut Fran-
cias Rex harum Provinciarum imperium
in se susciperet, rogatum advenerant,
quos dum Henricus ad alloquium ad-
misit, Bernardinus Mendoza in eodem
hoc colloquio Hispaniæ Regis, qui pa-
riter hosce Principatus ambiebat, par-
tes strenue tuebatur, cum autem Rex
responderet, quod ejus rationes sibi mi-
nus probarentur, Mendoza secessit, ac
quantocius datis literis Guisium Ducem
sollicitavit, ut promissorum fidem ex-
solve-